

13
S V P E R
NATA DEIPARA
VATICINATIO
S A C R A

Latine, & Græcè, oratoriè, ac poeticè
pertractata.

A

FRANC. ALOYSIO COLUMNA ROM.
D. FERDINANDO CARAFA NEAP.
IACOBO TOLOMEO PISTORIEN.

Semin. Rom. Conu.

LIBRERIA NAZIONALE
ROMA
TORIO EMANUELE

ROMÆ,
Ex Typographia Iacobi Mascardi,
MDCXXXI.

SVPERIORVM FACVLTATE.

1792
MAY 10

PAID TO
JACOB

of the

of the

of the

of the

of the

of the

of the

of the

of the

SUPER NATA DEIPARA

Consulebat Sibyllas more Romanorum

FRANCISCVS ALOYSIVS COLUMNA.



In nouum aliquod Prodigium diuinitus factum apparuisset in terris ; illud solemne veteres Romani seruauerunt , vt ex Senatus consulto Antistes quindecimvirosum aliquis vnus libros adiret Sibyllinos & mox Patribus , & Quiritibus obseruata oracula renunciaret . Ostentum profecto mirabile Ioachinus & Anna genuerunt pręgnante , nisi fallor Æthere vniuerso : nata siquidem Puella cernitur tanto lumine circumfusa , vt Solis personam , & Lunę cothurnos , cęliq. Thiarum induisse videatur ; neque enim coloratam , vel inauratam solum extrinsecus ; sed fusam , expressam , & solidatam Sole per corpus omne distributo dixeris ; calceatam etiam soccis Luna plicatili bracteatis , stellisq. plexis , & coram Sole fulgentibus cincinnatam . Quid sibi tandem vellet cęlo tam carum , nobis tam dulce portentum , iussus ego sum Sibyllinos codices ex meorum sodalium consulto consulere : & nunc reuersus omnem peractam rem , si fas , & tutum ex mortali voce , diuina sensa vulgare , libentissimę ad vos refero , vt quoniam oracula flexiloqua sunt , & ambigua , super ipsa diuinatione diuinemus simul .

Cliuo igitur Capitolino superato , quasi accepto augurio triumphandi , subterraneam Prisci Tarquinij cellam aggressi , expugnauimus arcam lapideam , ex qua volumina conquestis vndique triumph. Sibyllarum versibus descripta cum primũ aperirentur , incidimus in Cumana Phębadis vaticinationes texto linteo comprehensas . Hęc est Anus illa fatiloqua , & hospita incognita , quę sub ipsum Olympiadum exordium nouę Olympi secula vaticinans , libros nouem Tarquinio venales ingenti pretio obtulit , cumq. ob irrisionem binam sex libros incendisset , instans incendio reliquorum , tactus Aruspicum religione Rex , nihilo minore pretio mercatus est reliquos tres , quàm quod pro nouem integris persoluisset . Sed nobis , ę tri-

enim fuit è viro cælibe, deliciarum in hortis, oriri fœminam parentem omnium, qui nascerentur in terris: at nos è fœmina Virgine quæ conclusus etiam dicitur hortus, oriri videbimus virum parentem omnium qui nascentur in cælo. Cum suprema forma virginitas quando cohæret? & tamen non cum pulchritudine solum virginitatis, sed gloria virginalis cum fœcunditate, imò & cum humanitate diuinitas componitur in hoc carmine: cuius argumentum, & persona Deus est rerum omnium conditor simul, simul conditur ex massa corporea concretionis virginæ, subactus etiam ærumnis mortalium. Diuino capiti ceruicem iungit humanam quodammodo poësis hæc, nec irridenda tamen, sed admiranda magis, ac magis. Virginitatem enim angelicæ naturæ sororem esse noueramus prius, sed parentem etiam fieri Numinis cognoscemus in puella, quæ canitur. Cuius fœcunditas pretium faciet cœlibatui, odore famæ virginalis supra quam cogitari possit suauissimo. Filio siquidem ex illibata Matre nascituro non frangetur alabastrum, & vnguentum effluet, ad numerum scilicet Sibyllæ canentis

Virgineo dabitur partu stirps magna Tonantis.

Verùm huius vnguenti virginalibus odoramentis confecti suauitas non solum in nos effluet, sed vbique gentium, atque locorum vel in ipsa ferarum pectora benignitatis, ac pacis halitum afflatum dicitur à Sibylla tertia, cuius monumenta postremo recognoscebamus loco. Hæc est autem illa Demophile cognomento Erithræa, quæ Babilone orta occasum Pabelis cecinit, extremo Dei generali iudicio decantato. Hæc quæ bello Troiano prior pacem solidam animis quantumvis hostilibus regnante nostra Virgine promissit his versibus

Latari nunc Virgo decet. te Praside pacis

Accumbet tuta Agna Lupo, sociabitur Vrso

Caprea, nec magnos metuent Armenta Leones.

Venit hic in mentem viridarium illud voluptatis, antequam Pater Orbis terrarum manu ad pomum vetitum porrecta fenestram patefecisset posteris ad nequitiam. Tunc enim Brutæ animantes vno quasi partu procreatæ, & fœlicis illius regionis vbertate, velut eiusdem nutricis mamma collactaneæ, tam æquo, ac modesto iure æuum agitabant aureum in Adami verba iuratæ, vt ex tanta colluuiæ hostilium animorum nullum facinus illiberale prodierit, nulla suspicio discrepantiæ. Nunc igitur si nostræ Virginis ad nutum atque conspectum, feræ ipsæ nec rapaces vnguibus, nec dentibus mordaces, nec virulentæ venenis esse dicuntur, sed primas leges modestiæ, & prisce rationes officiorum rursus edoctæ pacem agitare communem: quis non videt puellam hanc, quia par est innocentis parentis

6
tis primi, futuram etiam matrem familias renouati generis, quæ in
aureum concordia seculum, beatumq. domicilium felicitatis, reuo-
cabit posteros ab ætate hac turbulenta disidijs, & sceleribus lu-
tulenta. O nos igitur Sibyllarum etiam carminibus fortunatos
quibus si rursus aperitur aditus ad vitæ immortalis hortos flammeo

Cherubini gladio custoditos, quid hic otiamur inani cir-
cuituione verborum, recto potius gressu vir-
tutum, Duce tanta Virgine,
properemus.



NATA DEIPARA

Consulebat Rationale Iudicij more
Hebræorum

D. FERDINANDVS CARAFA

Oratio Græcè habita, Latine sic reddita.



LIVD ex alio Prodigium: neque et. im-
vno bonorum stamine tela texitur felicità-
tis nostræ, sed plurium operum admiran-
dorum calculo vincit septem mundi mi-
racula Virgo mirabilis. Etenim vbi super
ea nuper exorta maximum ex Aronis ge-
nere Antistitem consului, quæ meæ partes
erant: pectoralem ille tunicam quadripar-
tito gemmarum fatidicarum ordine tex-
tam, ceu rete gemmatum expiscandæ veritati, sacras inter preces
explicuit. Tum verò smaragdus primi ordinis gemma tertia, cui
nomen Tribus Iudæ legebatur inscriptum, mutata serie medium oc-
cupauit locum, tantoq. fulgore viriditatis collucere, ac vibrare ce-
pit, vt lapilli cæteri prægrauati lumine & virore perfusi, in orbem
sefe vtrò disponderent, lucem smaragdinam ceu reginam coloris ac
pretij coronantes. Hæc enimvero miratus Antistes: Smaragdus
inquit, stirpem Iudæ, hoc est Puellam hanc regij sanguinis notans
quid portendat intelligo. grata enim oculis Gemma, qua nihil cer-
nitur libentius, & quæ scalp pro nunquam læsa sensus impuros pellit
ex animo, virginitatem Heroinæ huius æternam insinuat; neque enim
humana opera scalpitur illæsa viriditate pudoris; & oculos Dei con-
spiciendis nostrorum scelerum sordibus veluti fatigatos oblectat.
Illud non perspicio satis, cur nimirum cæteri lapilli reliquum Abrami
populum significantes tantum obsequium deferant Smaragdo. Vir-
ginitatem enim execrantes potius, quàm in honoribus, vel amori-
bus habeant Hebrææ Mulieres, vno sobolis expectatæ fructu beatæ.
Hæc dum Mylla loqueretur: ecce tibi Gemma Iardia, quæ princi-
pem

8
 pem obtinebat sedem auri spirante medium in locum demissè Sma-
 ragdum blanda circuitione complectitur; gemma, inquam, illa,
 quæ cæteris tubet ardentius Amoris index, cumq. ceræ commisceri
 non soleat, imaginibus obsignandis aptissima iudicatur. Ad hæc
 Sacerdos exclamans. O amorem, inquit, stabilis Dei sine exustione
 flagrammæ, & cum virginitate fecundum: Æterni siquidem
 Patris Imaginem signabit in utero huius Virginis non
 permixtus. Atque hic quidem miraculo defixus
 hæsit Antistes; nos verò dignè loqui de Patre
 simul ac Virgine, illo obmutescente,
 non possumus.



S V P E R
NATA DEIPARA

Confulebat Oniromantem more
Caldæorum,

I A C O B V S T O L O M E V S

S O M N V R N A E .

Carmen Eroparthenicum Marianum

Trimetri Heroici cum Trochaicis canonici omnes:



LLVSTRES oculos geminato Sole recludit
Orta recens Aurora, maris qua nomine Calum
Possidet, Isacidum genus alto à sanguine Divum;
Dadala virtutum veteres Natura colores
Induit, & prisco soles exponit in auro.

*Sed unus ipse Sole iam nato nigris
Damnabor umbris positus à Diva procul.
Scilicet anhelò noctuabundus gradu
Hic somniosum corde vaticino senem
Iosephum adibo, Spectra qui somni arbitrans
Ventura rerum fata veriloquus tenet.
Anna imperavit: somniet, per somnium
Exinde referat, qualis, & quanta hac fiet
Futura terris Virgo iam Calo potens.
Quid complicata fronte porrigitis minas?
Credo borruistis somniorum interpretem
Vt impiatum perduellem Numinis.
Dicetis, hoc anile, si non impium est,
Verare somnia velle somnium est merum.
At non sopora hic macbinatur ludicrè
Idola Morpheus fabulans cum Nania:
Sed architecta Calitum sculptas manu
Formas inaurat Veritas somnium regens.*

B

Et

Num. 129
2. Mac. 15.

Gen. 37.

Et ille tandem tamdiu optatas senex
 Adeſt Ioseph, nomen à magno, & genus
 Deductum Ioseph scilicet, qui cum suis
 Regale Cali somnium enarrat puer
 In seruitutem scelere fraterno incidit.
 Stirps ergo ab illo, concolor generi viget,
 Et Cali eodem somniorum munere
 Clarus per umbras fata piscatur suas.
 Numeros tenet Platonicos, nil non sapit
 Primum ille seclum atate decacuminat.
 O nos beatos, ecce composuit thorum,
 Nulloq. onustus pabulo, planè integer
 Ne visa perturbata distortè ingruant,
 Se se in soporem collocat. sed somnias
 Si somniare hunc reris: exuētus vigor
 Vitaq. succus omnis in fundo aruit
 Aetatis, altam ducere quietem nequit.
 Nec nisi per interualla captat somnullos
 Leues, reſectos, turbidos, loquaculos.
 Nam mira res, hic fata per somnum canit,
 Et mutus est, dum uigilat, inter somnia
 Difertus autor. unus hic ergo lapis
 Nobis mouendus, alea hæc est ultima,
 Adbibere somno, & somnio calcariis.
 Atque hunc in usum forte medicamen tuli
 Vinum ex odora Vineæ Engaddi merum
 Salomonis, arte conditum, ambrosia genus.
 Id ego sub antrum commodo statui loco,
 Nec temere. ut hausit penè totum auariter?
 Sorbet, propinat, fata credo ingurgitat
 Qua mox refundat ore fatidico egerent.
 Nunc est premenda massa, cum ferrum calet.
 O fata rerum inuersa, sortem putidam.
 Saltem puellam nupera aurora editam
 Noſtem edocerem cantitatis nanij,
 Causam canendi nobilem ingenio daret:
 Atque ego propinquo solis aspectu mei
 Beatus interfruerer, hic quo pramio,
 Vetulo, ac vieto naniam nennam cano?
 Sed citius hæc agenda, si placent minus,
 Ut liceat hinc ad Virginem quantocyus.
 Conſopiamus pupulum hunc per naniam.

Cant. I.

Cede

„ Cede somno lumen unum , Cede Ioseph alterum .
 Somnus est secunda nutrix , prima si vinum est seni :
 Nempe Bacchi post saporem , nil sopore gratius .
 Non gemellus ille mortis , somnus est vita parens .
 Eua mater unde fluxit ? somnioso de viro .

Gen. 1.

Adeste . dormit : imò iam loquitur senex .

Ecce autem melior reparata stirpis origo

Altera calcatis oritur serpentibus Eua .

Gen. 3.

Illa perit primo colubri excantata susurro .

Nec dum ortam sobolem ducens in funera Mater :

Contra hac prolato genitrix faustissima VERBO

Disrumpet serpentigenas cum Dite phalanges

Aeternum ex auro molita nepotibus Aeuum .

Sagire nouit prosperè , ac ritè hic senex .

Vt vera narrat ? certè ubi primum meos

Puella in oculos fulguriuii dextèrè

Corusca sine tonitruo , & sine nubilo ;

Quicquid veneni pectore intulerat meo

Antiqua serpens fraude primæua tumentis ,

Extinxit omne sospite afflatu beans .

Mox mente quicquid ferreum procuderat

Vesanus error officina in lubrica

Ira , atque Amoris , fluxit in venam auream

Conflante visu Virginis . quicquid luti

Sparserat Adami putris argilla in animum

Strauit nitore candidans argenteo .

Deum prebensans candidata hac Astheris .

At nil prebendit somnū noster senex .

Consopendus rursus , ut sortem canat .

„ Cede somno lumen unum , cede Ioseph alterum .

Per tenebras hic colorat cogitata mentium .

Filius non ille noctis : nocte sed lucem creat .

Dormit , & scalas Iacob Sole clarentes videt .

Gen. 28.

Attendite : obdormiuit , & satur senex .

Ecce autem superum calato scansilis auro

Semita lucentes aperit per nubila tractus .

Infera connectit superis , dat sydera terris ,

Sexcenti nata ludunt in Virgine Amores

Susq. citati , deq. rotati hoc tramite pergunt .

Candida virtutum renouatis agmina seclis

Has incunt , redeuntq. vias , hoc pegmate Diui

Mortales reuocant Cali ad stipendia tyronis .

Collineauit curiosus hic probè.

Semel puella visa diuisit meum

Per mille curas pectus: erexit gradus

In corde miros. qualis hymenao calens

Caat. 31

Frequente Salomon, seculum pompa inclytum

Vbi rupe Libani cadua extruxit, rotis

Albas quadrigas Veneris exuperantibus

Ad sedis aurea culmina faciles sibi

Gradus parauit purpura è conchyliis.

At ego per bosce scansilis amoris gradus

Quam dura patior? nam modo ascendo leuis,

Et modo relabor plumbeus. spes arduè

Grassata primo pectoris voto salit,

Et iam prebensat gaudiorum verticem.

Diffusa meritis inde tristitia redit

Ad ima: trepidat capite nutanti metus,

Nec supera tentat conscius vertiginis.

Si vota rursus ira sustollit ferox,

Grauiore casu gaudia extemplo nouas

Trabunt ruinas. sic amor nobis dedit

Vigilem laborem Sisyphi noctiu, ac diu.

Sed saltem Ioseph sortis occentor mea

Dormiret ipse. scilicet. inamabiles

Nudatus oculos nocte luctatur graui.

Ergo euocemus Naniam: assuetum melos

Si biberit auris, oculus & somnum bibet.

„ *Cede somno lumen vnum, cede Ioseph alterum.*

Munus est haud ille terra, somnus est Cali dator,

Gen. 37. *Sydera ille mutuatur: sic Ioseph puberi*

Somnianti Solem, & astra somnus in seruos dedit.

Audite, consopitas intonuit senex.

Ecce autem obliqua Cali regione caducus

Labitur in praeceps reuolato sydere Titan.

Apoc. 12.

Textilis in tunicam prognata Virginis vitro

Dat se materiem, radiisq. cuiusceat omnes.

Phosphorus, & septem cum stellis Arcades Vrsa

Atque alij, atque alij summates aetheris ignes

Cinnamini finxere comam: dat candida foccos

Cynthia, per limbum stella fluxere minores.

Scilicet ut terris Virgo desponsa Tonantem

Deuocet in thalamos; monstrat iam numine dignos

Sole paludatos artus, & sydere multo

Cri-

Cristatos apices, Luna succincta toshurnos:

Diuinat aliè prodigus veri senex.

Sol est puella: careat occasu precor,

Et careat uno hoc; reliqua nam Solis tenet.

In Sole fixit hoc sacrum tentorium

Prelia daturus cordibus pugnax amor.

Agnosco amoris defluum in venas Deum;

Cera instar eliquatus ad Solis faces

Concido libenter Icarus nostrum in MARB.

Ibi per capillos astra dum natalia

Obseruo, mea velificat in Calum ratis.

Mox Luna ab illa quantus undatim fluit

Et restat aëlis cordis in oculos mihi?

Sed siccus oculos, mutus & lingua est senex:

Ergo incinamus Nantias, ut succinat.

„ *Cede somno lumen unum, cede Ioseph alterum:*

Languidus non torpet ille, nec nocet cum noxijs.

Aspera est iuniprus arbor, umbra iunipri est grauis,

Mollis & somno fit arbor, umbra fit somno leuis:

Cum sopore illic Helias roboratur dulcibus:

Faucte: condormiuit, & cantat senex.

Ecce autem grauior damnatis frondibus Umbra

Stipitis insausi somnos, & gaudia Matri

Auferet. ab miseram solabie suspiria, stetus

Soli è quadrisido concedent pabula trunco.

Heu dolor, heu lacryma. tamen imperterritus ibit

Per gladios maternus amor, per funera victor.

Tacebis importune, quid manes cies

Natale in epulum? coruus occentas male;

Aliud nefastam hanc Cacias nubem vehe.

Vt fortis ima vile supplicium attulit?

Vertamus hisce è sordibus proram ocyus

Ad fausta. lemna regium dabo seni

Vt lata, & alta regio cantet, ferar

Per summa capita Caesarum, & Regum mytras.

„ *Cede somno lumen unum, cede Ioseph alterum*

Somnus est regale quiddam, somnium est regalius.

Nempe, paucis turba dormit; somniant Patritij,

Somniant persape regna, somniant ViFlorias.

Rex Syrorum somniabat, somniabat Pharaos:

Esto Ioseph Pharaoni, Daniel esto alteri

Faucte: resonat voce contenta senex.

3. Reg. 19

Ioan. 19

Dan. 2:

Gen. 41:

Ecce autem rursus tenebrosa in tartara misso
 Vmbrarum Domino lucis Regina coruscat,
 Illa triumphato virtutibus aethere toto
 Astra superuadit, tenuis non umbra per auras,
 Corpore sed toto velis regalibus aucta
 Seq. ipsa melior, Phœnix, mirante sepulcro.
 Calistuum lato series procumbit olympo
 Augustam confessâ genu. tenet illa bicornis
 Sceptrum erebi, terraq. mytram, pelagiq. tridentem,
 Corda per & superum, sed Amoris fulmine, regnat.
 Audistis? ô sortem auream. Regnum Aetheris
 Gentile regnum est: alit̃ur in nostra domo
 Matrona Mundi, principum Cali parens.
 Quid hic moramur? gratulatum oportuit
 Adÿsse Diuam comprecantes prospera.
 Tradite libellos supplices: votis fauent
 Principia regni plurimùm. sed quis mea
 Aliena cura credidit? pensum meum
 Lepidè peregi: nuncius adibo, & prior
 Dominam professus, premium ex Anna feram.



MARIAE NATAE

Mare subiicitur obsequijs harmonicis
per mètricen confufaneam.

MELOS PRIMVM.

Neptunus. Tyberis. Proteus. Chorus Nereidum.

Nept.



*RGO maris de nomine
Appellata recens vitalibus appulit oris
Regia Virgo? me Rege maris
Me Neptuno
Nec dante veniam, prorsus & rerū infcio?
Vitalibus appulit oris*

Chor.Ner.

Appellata, maris nostro de nomine Virgo.

Nept.

*Numquid maris cum nomine
Numen aquarum, & nostra tenebit
Sceptra, marina Dea hac?*

Tybr.

*Credo, tenebit. sic Iordanis
Gurgite propero tulit ad nostras
(Si bene memini) nuncius aures.*

1. Ner.

*Vtinam vertat Fortuna vices:
Saeuus hic nimium Neptunus est
Et fera Tbetis.*

2. Ner.

*Regat ò vtinam mitior aliquis
Neptunus aquas, mitior aliqua
Neptunine.*

Chor.Ner.

*Alter Nereus, melior Nereus
Altera melior
Nereine.*

Tyb.

*Imo posthac munere nata
Virginis vnus Iordanis erit
Subditorum laureatus Imperator fluminum*

Nept.

*Iordanis ergo putidus
Patentis atque emortui
Mancipium maris
Tadas affectat Tbetidos, pelagiq. tridentem?*

Ite

- Ite squamosa phalanges
Iordanem abripite
Iordanem obterite
Iordanem opprimite, perduellem Nerei.*
- Omnes.** *Obteramus, opprimamus perduellem Nerei.*
- Nept.** *Vbi tū Proteus latitas? agetum
Qui sensa Calis pectore continet
Prome fata, funde sortes, nostra Regna hic fluctuant:
Non procella, sed pauore nostra Regna hic fluctuant.*
- Prot.** *Quam timeo, Neptune, vices?
Non ego sum Proteus, Proteo sic fata repugnant.
Lingua nulla vox egeritur. obtenebreſcit.
Menti nulla lux ingeritur. obtenebreſcit
Alios adhibe coniectores,
Alios consule consultores. Neptune Rex.*
- Nept.** *O me miserum; Deus hic aliquis
Maior, aquarum fata remiscet.*
- Chor. Ner.** *Nunc verò medijs urimur undis.
O nos miseras, vulgus aquatile,
Restabunt salebra, & saxa natantibus.
Fundite lacrymas, ut de nostris
Fluëlibus alius fluat Oceanus,
Ne sicca bumentes acies nudemur arena.*
- Tyb.** *Qua te premit vecordia
Natio pelagi frigentissima?
Indue mentem Principe dignam Neptune Rex.
Regna dantur fortibus.*
- Nept.** *Fare quid censes Tyberine Duëtor?*
- Tyb.** *Ille ego Tybris, potentum laurearum, & fascium
Irrigator, & tropæis gentium regurgitans,
Omni profuso sanguine barbaro
Hoc tibi consilium propino.
Arma sume; cogeturmas: fata sortes adiuvant.*
- Prot. Tyb.** *Cedunt cuncta potentibus,
Arma sume, coge turmas, astra conantes iuvant.*
- 1. Ner.** *Non arma Pater, non bella Pater*
- 2. Ner.** *Quæso non arma, quæso non bella*
- 1. Ner.** *Peruidas ira Mars in medio
Ardeat igne
Aliud nomen dulcius illo regnat in undis.*
- 2. Ner.** *Non bella precor, non arma precor*
- Chor.** *Pacem te, Nereu, pacem te poscimus omnes*

- Nept. *Si pacem teneo, labitur imperium.*
Me Ioue Ponti
Terrigena insultant pelago, nec turma Gygantum
Admouet alpinas fabricas: sed femina terret.
Dedecus haud patiar. Neptunum sentiat Orbis.
- Tyb. Prot. *Tolle signa, tela sume digna fratris fulmine*
 Nept. *Huc adesto Glauce, Triton, Phorce cum Palamone*
Euocate federatos ad sacramentum greges.
Velites Delphini adeste, fronticornes buce equi.
Cete, ac Balena, armatura grauissima Ponti
Explicate iam cohortes, vasa cursim tollite,
In Palestinae properemus oras.
- Omnes. *In Palestinae properemus oras*
 Nept. *Inde Iordanem prebentem per dolorum machinas*
Torqueamus, donec altum veritatis exprimat.
Ad arma, ad arma classicum Triton cane.
- Omnes. *Ad arma, ad arma classicum Triton cane.*
Hic more tubarum iter indicentium dabant sonitum organa musica.

MELOS SECVNDVM.

Iordanis, Chorus Driadum iordanicarum, Neptunus cum Proteo, & Legione squammigera.

- Ch. Driad. **O** *Iordanem super Oceani*
Fata beatum.
Cuius ad undas, cuius ad umbras
Gemma fulgida prognata est.
Virescit illa: smaragdus est.
Pudoris gemmula smaragdus est.
Flammescit illa: pyropus est.
Amoris gemmula pyropus est.
Vires hic Pudor, flagrat hic Amor
O nos Driadas supra Thetyos Fata beatas.
1. Driad. *Verum quid video Pater?*
O monstra innumera, o monstra eoharifica.
2. Driad. *Iordanis Pater, o Pater*
- Ch. Driad. *Affer opem: grauior sauit post gaudia luctus.*
- Iord. *Qui vos corripuit metus*
Turma decens, nostra cultos pratoria ripa?
1. Driad. *Rupes cerno natantes*
2. Driad. *Scopulos cerno volantes.*

Fugia-

Ch. Driad. *Fugiamus bine, sorores,*

Iord. *Matris in magna gremium profundum
Verum quid hoc? tremore concutitur specus
Vnde mihi? quis Enceladus immutat latus
Nostrum sub orbem? Agnosco terriquassonem,
Neptuni rapidum cerno satellitem.*

Legio. *Me miserum. irati signa hac certissima Nerei.
Idumen Idumen Idumen deuenimus, deuenimus.*

Nept. *Siste classem Phorce mutam, siste Triton classicum.
Verum ubi Iordanis? nonne hac palmeti feracis
Fluminis? aufugit. properate, in viscera Terra
Compenetrate: colunt effossa cubilia talpa.*

*Indagate feram ocyus,
Excelsiq. reum criminis, in foro
Sistite carulei Tonantis.*

Prot. *Bellua tenetur. cedit astus viribus.*

Iord. *Hæu, hæu quis nouus hic furor
Iordanem ferit innocuum? quo crimine damnor?*

Nept. *Quod noua moliris.*

Iord. *Perdat me Iuppiter igne*

Nept. *Nil opus est loue: Neptunus tua vota malignis
Externabo fretis, exconquassabo procellis.*

Iord. *Cur in me scopulos? perdis Neptune procellas
Sponte sequor nutus. Princeps effare quid optes.*

Nept. *Quæ noua regali prognata est sanguine Diaa
Cur maris illa mei nomen pradatur, & omen.
Dedignata iugum scepro insidiatur Idume:
Gentis ego sabbataria*

*Ceruicem noui rigidam, frontemq. superbam.
Iord. Non ego crediderim regnum affectare marinum:
Cælo inbiat: puris flammescit concolor astris.
Stella maris potius. Diue! si lumina frontis
Inspicias Neptune semel, ò sensa ista remittas.*

Nept. *Quis tanta nobis prohibet spectacula forma?*

Iord. *Nil prohibet: nec longa via est: huc protinus omnes
Offusa mecum Driades deducite Regem
Oceani, quæ pupa premit iam liçlora Cali.*

Nept. *Sequuntur alibi flumina Oceanum Patrem:
Hic sequitur fluuium Oceanus: pergamus amici,
Mecum aders Tyberine: decent regalia Regem.*

Chor. *O Iordanem super Alcinoi
Præta beatum*

Cuius

*Cuius ad undas , cuius ad umbras
 Radix florida prognata est .
 Rubescit illa : Hyacinthus est .
 Amoris flosculus Hyacinthus est .
 Albescit illa : narcissus est
 Pudoris flosculus narcissus est .
 Rubet hic amor , nitet hic pudor
 O nos Driadas super Alcinoi
 Prata beatas .*

MELOS TERTIVM.

Iordanis . Neptunus . Proteus . Tybris . Chorus Nazarenus .

Iord. **H** *Acc illa , flos , & patria florum est Nazareth ,
 Radix ubi Anna effata scetat faustiter ,
 Truditq. gemmam ex atheris insitu .*

Ch. Naz. *Nova lux diem renexit ,
 Cui sol adultus ipse
 Digna Aurora non sit .
 Alij mare te vocitent : ego te
 Pupa totum possidere fronte Calum dixero .
 Radiat duplex ocellus
 Lucifer unus , Hesperus alter
 Alter est auriga Solis , ductor alter syderum
 Vna tamen est voluptas
 Noctu diuq. me beans .*

Iord. *Audis ? anhelat omnis in Calum hic amor .*

1. Chor. *Qua turba gliscit hospitum ?*

2. Chor. *Inospita est , marina est .
 Pelagi numen , futile nomen ,
 Secumq. ter centum ruunt*

*Dinasta sabulonides
 Proteus ventiloquax Ariolus nibili ,
 Bisq. puer Glaucus , viuax cornicula ponti .*

1. Chor. *Adeste monstra . accede Leviatan ferox ,
 Ludus , iocusq. Diua .*

*Virgo est arundo , ab illa
 Pendebit hamus olim*

Quo cruentus interibis uncinatim saucius .

Prot. *Qui subitus horror mente quatesacta ingruit .*

Nept. *Genus est Gygantum hac pupa : iaculata effero
 Diuinitatem cordis beu frangit mei .*

Viden

- Chor. *Viden ut Proteus, viden ut Nereus:
Extra ripas, fluctusq. suos
Offendunt scopulum? naufragium dabunt:
Heu heu quantos parua hac miscet
Corde dolores: Funditus interij*
- Chor. *Viden ut toto linquitur animo?
Oculi misero caligarunt.
Date aquam Nereo, date aquam Oceano:
Abeamus hinc Plutonis ad amicos lares.
Vires inde recolligam
Expunctus furias centuriabimus.
Concorpora phalanges
Tybri tuas: Nereum sequere auxiliaribus armis?*
- Tybr. *Falleris. experta semel hic dulcedine Calii
Ut manes repetam? si te dementia capit,
Non ego desipiam.
Aethera permutem totum cum Virgine: nedum
Illam emerem cunctis fluctibus Oceani.*
- Prot.Nep. *Heu nos miseros: aethere patrio
Semel expulsi, nunc possessis
Pellimur undis
Fœda coacti precipitantia
Ditis ad umbras. concidimus miseri.*
- Chor. *Feliciter, feliciter.
Abiere pestes: Virgo clarauit Diem.
Io triumphe: fulguriuit Pupula
Centum aquoreos Una Gygantes.*
- Iord. *Pulso Nereo, Thetide mota
Hac una ventis, hac una nymbis
Leges instituet pacis Matrona, nouumq.
Fluctibus ingenium dabit, & noua iura procellis?*
- Tybr. *Esse quid hoc dicam? rarescunt corde tenebra:
Ex oculis animi squammas iam discutit omnes
O quam commemorem Virgo. te pectore toto
Accipio Diuam: atque olim cum millibus aris
Templa quater centum septenis collibus addam.
Sic voueo superis: quin & sacra uero summis
Reginam exquilijs, maiori & nomine cultam.*
- Omnes. *Feliciter, feliciter,
Io triumphe: fulguriuit Pupula
Centum aquoreos Una Gygantes.*

L A V S D E O.